

Dä Elki un dä Früelig



1. D'Sune gaat uuff!

Güxled über d'Dächer uus,
schickt iri Straale i jedes Huus
und wünscht en guete Morge.



2. Früelig isch's

und warm schynt d'Sune
(und Häsli gumped / und Blüemli blüehet)
uf de grüne Wise. 2x

Chumm und tanz mit mir
Uf de grüne Wise! 2x

3. Dä Früelig isch da,

fiderii – fideraa!
D Blüemli sind wach
Im Wald und am Bach.
D Vögeli singed,
mer tanzed und springed.
Dä Früelig isch da,
fiderii – fideraa!




4. Dä Winter isch vergange!

Dä Früelig isch im Land
und Tierli sind ganz glücklich,
sie singed mitenand:
lala, lala, la la la la la la
Mir hocked a de Sune
und singed mitenand.



5. En Haas geht go spaziere,

fidibim, fidibam, fidibum,
er höppeled über d Wise
und cheert dänn, hoppla, um!



6. Haseohre, Pfötli, die sind vorne,

Buch und Schwanz, die mached en Tanz.
Tra la la, lalalala lala la la
La la la la lalalalala.
Häsli gump, Häsli gump, Häsli gump!

7. D Hasefamilie

Dä Hasemaa strycht d Eili aa,
und d Hasefrau, die hilft em au.
Und di chlyne Hasehind
Träagets furt, wänn s fertig sind,
gönt demit vo Huus zu Huus,
teils brave Chinde-n-uus.
Si verstecked jedes Ei,
und sind s fertig, trittet s hei.



8. Oh, du schöne Sunneschy!

Gäll, dä Winter isch verbi.
Mir wänd öis alli freue! 2x

Oh, du schöne Vogelgsang!
Gäll, mir losed mitenand.
Mir wänd öis alli freue! 2x



Oh, du schöni Früeligszyt!
D Oschtere isch nümme wyt.
Mir wänd öis alli freue! 2x

Oh, du schööns Gloggeglüt!
Mir tüend zämme fiire hüt
und wänd öis alli freue! 2x

